
Gobierno ta duna reconocimento na dos ilustre Arubiano

**Tanto Juancho Kock como Milo Croes lo haya caya na nan
number!**

ORANJESTAD (AAN):
Relaciona cu e celebracion di
e di 50 aña di Aruba su
Carnaval gobierno ta anuncia
na comunidad cu
recientemente den reunion di
Conseho di ministrannan a
tuma e decision pa reconoce
dos pilar y leyenda bibo di
nos Carnaval dunando caya
na nan number.

E dos personanan aki ta sr.
Juancho Kock y sr. Don Milo
Croes.

Sr. Juancho Kock ta nos
gran tumbero Arubano y
como reconocimiento pa tur
loke cu el a haci pa e mundo
musical, gobierno a tuma e
decision pa cambia number
di 'Karawarastraat' pa 'Caya
Juancho Kock'. E ceremonia
di reconocimiento lo tuma
lugar diahuebs awor 15 di
januari pa 5'or di atardi
dilanti cas di sr. Juancho
Kock situa na
Karawarastraat 9.

E di dos persona ta sr. Don

Milo Croes. Sr. Croes ta nos
tata di Carnaval y como
reconocimento pa tur loke cu
el a haci pa nos Carnaval,
gobierno a tuma e decision
pa cambia number di
'Fergusonstraat' pa
'Avenida Milio J. Croes'. E
ceremonia di reconocimiento
aki lo tuma lugar diabierna
16 di januari pa 5'or di atardi
dilanti di cas di sr. Milo
Croes situa na
Fergusonstraat 10.

Cu e cambio di e number di
cayanan aki gobierno kier
honra nos baluartenan
Arubano mientras cu nan ta
na bida ainda.

Alavez gobierno ta invita
henter comunidad pa acudi
na e ceremonianan di
diahuebs y diabierna prox-
imo.

Mas den siman lo sigui un
biografia extenso di tanto sr.
Juancho Kock como di sr.
Milo Croes.